

الکسیط بر آت تدافعیه مالک بولونقلری البت قارئین کرامه معلومدر .
 بویه اولقله برابر طرف طرف وقوع بولقده اولان قیاملر جدآشایان
 تقدیردر . یاقینده انشاءالله افغانستان و بلوچستانک یاریمیه باشلرنده کی
 اسارت بویوندورغنی قیره رق فلاح وسعادته مظهر اوله جقارددر .
 مسلمانلر ایچون کعبه معظمه ، مکّه مکرمه نه قدر محترم ایسه مقام
 معلاى خلافت اسلامیه ده او قدر محترمدر . مقدس اسلام بلادینه قارشى
 تعقیب ایده جکی خط حرکتی تبلیغ رسمیه سیله بیسان ایدن انکلتزه
 صره سی کلنجه هیچ برشی طانیایور . استانبول انکلیز نظریه سنججه
 اسلامک محترم بلادی عدادینه داخل دکل ایش ! انکلیزلر ، قوجه حریفلر ،
 سوزک سوز اولدیغنی بیاندن چکنمه یں اسلام دوستی (!) انکلتزه ،
 ایشته بو صورتله حرکت ایدیور . انکلیزلر مستریخ اولسونلر ، عالم
 اسلام آنلرک دوستقلرینک جدیدتی کرک بوغازلر ، کرک حجاز سواحلی
 بومباردمانی ایله پک کوزل آکلادی .

علی حکمت ناهید

شرق ایشه قاریشیور

بو هفته ظرفنده شرقدن آلتان خبرلر پک اطمشان بخش و عمالک
 مذکورہ نک یاقین زمانده انکلتزه و روسیه قارشو وضعیتلری دیکشدرمه
 جکلری آکلایشیلور . انکلتزه هندستانه یکی باشند انکلتزه دن بیاض
 عسکر کوندرمکه فعلاً تشبث ایلسی و هند والی عمومیسینک تنسیبیه
 بالعموم هندستانده اداره عرفیه نک اعلان اولمنی کیفیتی ، هندستانده کی
 آسایش عمومینک پکده مطلوب برحاله دوام ایتمه مکده اولدیغنی اشراب
 ایدیور . انکلتزه مطبوعاتنکده هند احوالی حقنده کی نشریات
 و مطالعاتی ، احوالک موجب اندیشه اولدیغنی کوسترمکده در . صورت ،
 حیدرآباد ، پنجاب و کالکوتہ ایله کراچی شهرلرنده همان هرکون انکلیزلر
 علیهنده حرکات انتقامجویانه اجرا ایدیور . بومبا و سلاحله مأمورین
 ملکیه و عسکریه به منسوب پک چوق انکلیزلرک بریلر طرفندن اتلاف
 ایدلیکی آژانسلرک سامعه مزه ایصال ایتدکلری جله حوادندندر .

هندستان هر درلو اختلاطدن ممنوع و اهالیسنک آمد شدی
 - ده اطوغریسی محبوس بر حاله بولنسه یدیلر - خارجله
 کیلیمش بولنسه یدی احتمالکده زیاده حقایقه واقف اولوردق .
 فقط مواصلات یوللری تمامیه انکلیزلر النده بولندیغندن اودیاریمیده ده
 جریان ایتمکده اولان وقایعک ماهیاتندن کرکی کبی خبر آله میورز .
 انکلتزه نک استبداد مدینسندن ، انتریقه لرندن اوصانمش اولان هندستان
 اهالیسنک بوسیره ده ساکت قالمیه جقلری هرکس بیلیر . حرب عمومینک
 دوامیه ، انکلیزلرک کوندن کونه وقوع بولان هزیمتلرندن البتسه

هندلیلرکده استفاده ایتمک طرفدار بولندقلری طبیعیدر . چونکه
 انکلتزه نک ۳۲۵ میلیون هندو و مسلمانک بویونلرینه صیقیجه طاقش
 اولدیغنی کولهک بویوندورغنی قیرمغنی هندلیلر هر حالده دوشونیورلر .
 بونک ایچون اوتوز سنه در هندستانده غایت خفی صورتده چالیشیلور .
 احوال حاضرہ ایله انکلتزه نک استبدادی اخیراً - شوصوک کونلرده -
 وئیلرله مسلمانلر آره سنده براتحاد حقیقی حصوله کتیرمشدر . اختلافات
 سابقه شیمدیلک برطرفه آتیلمش ، یالکز هندستانک اعاده استقلاللی
 جهتی تحت تأمل و تفکره آلمقده در . مستخبرات مخصوصه مزه نظراً
 انکلیزلر ، پک یاقینلرده هندستانده کی مسلمانلری ایفاظ ایدوب ، آنلره
 منافع حقیقیه لرینی اوکره تن و یکی بر اسلامی و سیاسی جریان ایجادینه
 سببیت و یرن کنج ، متدین مسلمانلری حبس و توقیف
 ایده رک ، هر درلو اختلاطدن منع ایشدر . شیمدی به قدر بونلردن
 یالکز ایکسینک اسمنی خبر آله بیلدک . بریسی (لاهور) ده یومی
 انتشار ایدن (زمیندار) غزنه سنک سر محرری مولوی ظفر علی خان در .
 مشارالیه بالقان محاربه سی اتناسنده عثمانلی هلال احمر جمعیتده اعانات
 طویلامقده بویوک بر اثر حمیت ابراز ایتمش و اوزماندن بری انکلیزلرک
 غیض و نفرتلری جلب ایتشیدی . ظفر علی خانک استانبوله کلوب ،
 عثمانلیلرله اختلاطده بولمنی انکلیز سفیری چکه میهرک ، حقنده پک
 فنا راپورلر هند والی عمومیسینه کوندرمشیدی . ایکنجی ذات ایسه ،
 علیکر دارالفنونی مأذونلرندن و هندستانک ارباب قلمندن مولوی
 (حسرت موهانی) درکه اولجه (اردوی معلمی) جریده سنی نشریاتدیکی
 صیره ده انکلیزلر علیهنده پک فنا نشریایده بولنوب ماهیت ظالمانه لرینی
 اهالی به طانتدیردیغندن ، مومی الیه ایکی سنه قدر حبس جزاسنه محکوم
 ایتشلردی که بوظلملری بوکره ایکنجی دفعه اوله رق تطبیقه چالیشملرددر .
 مقام معلاى خلافتیه قلباریله ، بوتون موجودیتلریله جوزولمز
 بر رابطه ایله مربوط بولنن هند مسلمانلری ، طرف جلیل خلافتدن
 ائتلاف مثک علیهنده نشر بویوردقلری جهاد فتوالری خبر آلدقندن
 صوکره - که چوقدن بوکا کسب وقوف ایتشلرددر - راحت اوطوره -
 مبه جقلری قضایای مسلمه دندر . بالاده کی اسبابه بناء هر حالده
 هندستانده بزم خاطر و خیالزده کلیان پک عظیم ومدھش حادثه لر یوز
 کوسترمشدرکه ، انکلتزه حکومتی اوروبادن انکلیز عسکرلری اورایه
 سوق ایتمک مجبور اولمشدر .

بو سوقیادن ده بشقه شیلرده استدلال ایده بیلیورز . انکلیزلرک
 بوندن مقصدی هندستانده کی برلی عسکرلره امنیت واعتمادیده ملری کیفیت
 اولسه کرکدر . آکلایشیلورکه برلی عساکر ، حقوق مقصوبه لرینی
 استرداد ایتمک ایچون اهالی محلیه نک طرفنی التزام ایله کندی و طندا .
 اشترینه ، دین قارده شلرینه سلاح آتامغه عهد و پیمان ایتشلرددر .
 احتمالکده هندستانده کی بت پرست ناسیونالیستلر بو کون شمندوفرلری ،

فصل بیست و ششم

وحدت اسلامیہ

پارچا لامق ایستہ بن نفاق جیلر بوکوندہ صوصما بورلر !

بالقان رفیق محترم یازیور :

« جہاد اکبر اعلان ایدلدیکندنبری عالم اسلامه اک زیادہ علاقہ دار حکومت آجنبیہ نیک ، بالخاصہ روسیہ وانکلتزہ نیک مراجعت ایلدکلی سلاح مدافعه نہ کبی شیلر اولدیغنی لایقیلہ تدقیق ایدمک اولورسہق ، اوبیوک دشمنلر طوپدن ، تفشکدن ، حتی دونائالردن زیادہ برامیدہ مربوطدرلر . اودہ ، جہاد اکبرک ایجاب واستلزام ایلیمه کبی وحدت امت غایہ سنی ناصل ناصل سوندیرمک ، اسلامی تشتہ دوشورمک ، آزمنہ قدیمہ عنعنات مندرسہ سندنہ اولدیغنی کبی اسلامی تاقلبکاھندن اورمق سیاستنہ معطوفدر . آنکچون اسلامیت دشمنلرینک شو پلانہ یاردم ایدمک هر برخطا ، هر هانکی بر مسلمان طرفندن واقع و صادر اولورسہ تاریخ اونک بیوک وأبدی لغتترینہ غرق ایدمکدر .

بوخطا ، ویابوخیات نہدر ؟ جہاد اکبر غایہ سنی ، اسلامی تشتہ دوشورمک ، وحدت اسلامیہ ضربه اوراجق شخصی واجتماعی آندیشہ ویاحتراصلرہ مغلوبیتدن باشقہ برشی دکلددر . بربریمزہ کوجنہ بیلیر . هر مسلمانک کندیته کوره بیک بردردی والمی وار . تحمیل بودردلر وانکسارلر اشخاصہ منحصر قالماز ، حیات سیاسیہ امتہ فلاکت ضربه لرلی اوراجق اساساتہ سرایتہ برافیلیرسہ ، مسبلری تاریخ اسلامک مدہش مشولیت ولعنترندن تخلص کریبان ایدمکدر . بوکون اهل اسلام ایچون یالکنز برغایہ اوله بیلیر ؛ اودہ مقام خلافت اسلامیہ شوکت وسطوت استقلالیه سنک تخلص وسلامتی !

بویله بر سودای علوی وروحانی ایله اتصاف ایله میوبده اسلامک وحدت صاحبان ایمان وایقانه قارشئ شر وقتنہ احدانہ چالیشان انسانلرک مسلمان دکلر ، مزاردہ کی اولولری یهین جانلاردن فرق نہدر ؟

جہاد اکبر ، اوله علوی تاریخی برحقیقتدرکه اونک هر سورہ انتباهی امت محمدہ وحدت ، هر درلو آنایت حسندن فراغت اذاتی اوقویور . . بو اذان محمدی دیکلمه میوب هب ینہ کندی غایدالرینی چالقی ایستہن وجدانلر ، اک آتشین ، اک متین شر وقتنہ لره استناد اینسہلر انجام کار خائب وخاسر قالیرلر . »

موسقوفلرک علیهمزہ قوللاندقلری سلاحلر :

(۱) دین ، ۲) عرق تفرقه لرلی !

طنین رفیق محترم یازیور :

« روسیہ عثمانلی دولتی محو ایتمک ایچون بویوک ایمپراطورلق داخلندہ چوزلمک باشلایان روابطی بوسبوتون قیرمق سیاستی کندیسی ایچون دها موافق بولمشدی . بونقظہ نظردن حرکت ایدن موسقوف سیاسیونی مثلاً قریمدہ استقلال میللرینی کوروکلمک استفاده ایدمکدرکن دها اوتہده ، بالقانلرده بوندن بوسبوتون باشقہ بر اصول تعقیب ایلوردی . اورتودوقسلق ... »

کوبریلری برهوا ایدرک ، تلغراف تللرینی ده کسوب مناقلات ومواصلاتی کسہرک انکیزلری بولسدقلری یرلرده محبوس وموقوف بر حالده برافشلردر .

انکیزلرک هندستانده کی عدد وکیتلری - هر طبقہ دن - برملیونی تجاوز ایتمیور . بوقدر آذربکیتله ۳۲۵ میلونلق عظیم کتله یه قارشو نه یاه بیلیرلر ؟ اساساً هندستان اهاالسی یننده منافرت واختلاف حکمفرما اولماسیدی ، انکلتزہ حاکمیتنه چوقدن خاتمہ ویرلش اولوردی . فقط بوآنه قدر انکیزلر صرف بویکی اختلافدن استفاده ایدمکدر ، عناصری بربرلری علیهنہ تحریک وتشویق سایه سندنہ موقعلرینی بدرجہ یه قدر تحکیم ایلیمه بیلیمشلدی .

هندستانده قوبه حق عظیم براختلال نتیجه سندنہ هند دیوارلرینه حدودی ملاصق بولنان افغانستان حکومت اسلامیہ سنک سیرجی وضعیتی آلمیه جنی ده معلومدر . افغانلیرلر ، عصرلرجه هندستانده اجرای حاکمیت ایدوب اورالرده الا آن آثار سلطنتلری باقیدر . بویله بر اختلال نتیجه سندنہ افغانستان هر حالده استفاده یه تشبث ایدمک وهیچ اولمازسه پنجاب ایالتی استیلا ایتدکن صوکره سند طریقله (کراچی) یه اینه جک وافغانستان ایچون بر ساحل ومخرج تدارک ایتمک وار قوتیلہ چالیشمہ جقددر . ذاتاً بو کیفیت - یعنی مخرج تدارک کی - امیر سابق مرحوم (عبدالرحمان خان) حضرتلری ، کندی اولادینہ ، خلفلرینه وصیت ایتمشدرکه ، حال حاضرده کی امیر حضرتلرینک یکانہ آرزوسی بو اولسه کرکدر . هند حدودنده یشایان افریدیلرک صیق صیق پنجاب حدودینہ آقین اجرا ایدوب اوراده کی انکیزلری راحتسز ایتملری کوچک واهمیتسز بر وقعه صایله ماز . بوحرکاتی بز افغانستانک حربہ مائل اولدیغنه آچیق بر دلیل تلقی ایدیوروز . حتی بو هجوملری - افریدیلری - افغان عسکرینک یشدارلری بیلوز .

ایرانده کی انتباه کمنجه کوندن کونه تزیایدایتمکده ایران حکومتک وضعیت آتیه سنی تعیین ایلکدهدر . شیمدیکی مشیرالدوله قاینه سنک پروغرامی بک کوزل ومستتتا برشی اولوب ، افکار عمومیه ایله ایران ملت مجلسنک تصویب وتقديرینہ مظهر اولمش وروسیه ایله انکلتزہ یی قیزدیرمغه سببیت ویرمشددر . اوله اولمسیدی ، روسلر یکیدن (ازلی) یه عسکر ایندیروب تدابیر تحفظیه واحتیاطیه رعایت ایتزلردی . هر حالده شو ایچنسدہ بولندیغمز ایلک بهار ، برآی صکره کوزل وراجه دار چیچکلریله برابر بز مسلمانلره بر چوق سعادتلر بخش ایدمکدر وعون حقله بزه پارلاق ، منور بر آتی تأمین ایلیمه جکدر . برآز دها بکلیلم .

س . م . توفیق